



06/1
20.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 13. stav (8) i člana 33. Zakona o javno-privatnom partnerstvu („Službeni glasnik Unsko-sanskog kantona“, broj: 15/20), na prijedlog Ministarstva privrede, Vlada Unsko-sanskog kantona na sjednici održanoj dana 02.06.2022. godine, d o n o s i:

UREDBU

o izmjenama Uredbe o identifikaciji, pripremi, ugovaranju i praćenju implementacije projekata javno-privatnog partnerstva

Član 1.

U Uredbi o identifikaciji, pripremi, ugovaranju i praćenju implementacije projekata javno-privatnog partnerstva („Službeni glasnik Unsko-sanskog kantona“, broj: 22/20), član 9. mijenja se i glasi:

- (1) Javno tijelo može angažovati jednog ili više konsultanata kao podršku projektnom timu za provođenje aktivnosti propisanih zakonskim okvirom za JPP i ovom Uredbom, a što može uključivati organizaciju i usmjeravanje aktivnosti projektnog tima (podrška ukupnom procesu), jačanje kapaciteta, za podršku jedne ili više faza pripreme projekta JPP (identifikacija projekata, priprema prijedloga projekta, postupak izbora privatnog partnera, itd.).
- (2) Javno tijelo angažuje konsultanta na način propisan Zakonom o javnim nabavkama („Službeni glasnik BiH“, broj: 39/14).
- (3) Sredstva za angažovanje konsultanata se obezbjeđuju u budžetu javnog tijela i predstavljaju nominirane troškove javnog tijela.

Član 2.

Dosadašnji članovi 10., 11., 12., 13., i 14. brišu se.

Član 3.

Dosadašnji član 15. postaje član 10. i mijenja se i glasi:

- (1) Javno tijelo koje omogući učešće privatnog sektora u pripremi prijedloga projekta JPP na način propisan Zakonom o JPP, objavljuje javni poziv za iskazivanje interesa zainteresiranih ponuđača u pripremi prijedloga projekta JPP (u daljem tekstu: javni poziv za iskazivanje interesa).
- (2) Javnim pozivom za iskazivanje interesa iz stava (1) ovog člana definiše se između ostalog: predmet javnog poziva za iskazivanje interesa, opis posla i rok izvršenja, uslovi učešća, kriteriji za odabir, specifikacija nominiranih troškova, elementi ugovora, kratak opis projekta JPP i drugo.
- (3) Kod određivanja visine odgovarajućeg dijela nominiranih troškova predviđenih članom 19. stav (4) i (6) Zakona o JPP, primijeniti će se pravilo da nominirani troškovi iznose 0,3% od procijenjene vrijednosti investicijskih troškova projekta JPP navedenih u kratkom opisu projekta JPP.
- (4) Javni poziv za iskazivanje interesa objavljuje se najmanje na web stranici javnog tijela i u dva dnevna lista dostupna na teritoriji BiH.

Član 4.

Dosadašnji član 16. postaje član 11.

Član 5.

Dosadašnji član 17. postaje član 12. i mijenja se i glasi:

- (1) Javno tijelo nakon donošenja Odluke o opredijeljenosti za uspostavljanje JPP, objavljuje javni poziv za izbor privatnog partnera.
- (2) Tekst javnog poziva i dokumentaciju za nadmetanje priprema projektni tim.
- (3) Javni poziv objavljuje se najmanje na web stranici ugovornog organa i u dva dnevna lista koji su dostupni na teritoriji BiH.
- (4) Javni poziv obavezno sadrži:
 - a) naziv i adresu ugovornog organa, lice za kontakt i druge opće podatke;
 - b) predmet javnog poziva;
 - c) pravo učestvovanja u nadmetanju;
 - d) odredbe o preuzimanju dokumentacije za nadmetanje;
 - e) rok za dostavu ponuda koji ne može biti kraći od 45 dana od dana posljednjeg objavljivanja;
 - f) ostale odredbe.
- (5) Dokumentacija za nadmetanje iz stava (4) tačka d) ovog člana obavezno sadrži:
 - a) naziv i adresu ugovornog organa, lice za kontakt i druge opće podatke;
 - b) javni poziv za dostavljanje ponude;
 - c) Opis projekta – Obrazac 3., originalni iz godišnjeg plana potencijalnih projekata ili dopunjen od strane projektnog tima;
 - d) predmet javnog poziva;
 - e) rezime studije opravdanosti;
 - f) opis posla – očekivane aktivnosti i rezultati;
 - g) uslove za kvalifikaciju ponuđača kao i dokaze na osnovu kojih se vrši ocjena;
 - h) kriterij za dodjelu ugovora (utvrđen kao ekonomski najpovoljnija ponuda) sa potkriterijima;
 - i) način ocjenjivanja ponuda;
 - j) uputstvo o pripremi i sadržaju ponude;
 - k) period važenja ponude;
 - l) Rok za dostavljanje ponuda utvrđen datumom i vremenom, koji ne može biti kraći od 45 dana od dana posljednjeg javnog objavljivanja;
 - m) rok za otvaranje ponude;
 - n) nacrt ugovora;
 - o) operativni plan izvršenja ugovora;
 - p) garancija za ozbiljnost ponude i druga osiguranja zahtjevana od ugovornog organa,
 - q) druge relevantne zahtjeve, uslove, upute, instrukcije i informacije za ponuđače, te relevantne priloge.
- (6) Dokumentacija za nadmetanje se ponuđačima dostavlja na pismeni zahtjev putem elektronske pošte.
- (7) Ponuđač može, u roku od 2 dana od dana prijema dokumentacije za nadmetanje, a najkasnije 10 dana prije isteka roka za dostavljanje ponude, uputiti zahtjev za pojašnjenje dokumentacije za nadmetanje, na koji ugovorni organ odgovara najkasnije 5 dana prije roka za dostavljanje ponude.

- (8) U slučaju da ugovorni organ ocjeni da je neophodna izmjena dokumentacije za nadmetanje u toku postupka, dužan je proporcionalno produžiti rok za predaju ponuda i o izmjenama obavjestiti ponuđače koji su preuzeli dokumentaciju za nadmetanje.
- (9) Predata ponuda se ne vraća ponuđaču, osim u slučaju da ponuđač od ugovornog organa pismeno zahtijeva povrat svoje neotvorene ponude isključivo prije isteka roka za dostavljanje ponude.
- (10) Javno tijelo ne snosi troškove učesnika javnog poziva, te zadržava pravo da ponudu prihvati ili odbije ili da poništi postupak.
- (11) U postupku odabira privatnog partnera javno tijelo je dužno koristiti kriterij ekonomski najpovoljnije ponude, sa minimalno jednim od sljedećih potkriterija:
- a) sadašnja vrijednost ukupnih životnih troškova u ugovorenom razdoblju i sadašnja vrijednost ukupne naknade koju privatnom partneru plaća javni partner za projekt JPP-a u kojem je predviđeno plaćanje naknade javnog partnera privatnom partneru;
 - b) sadašnja vrijednost ukupnih životnih troškova u ugovorenom razdoblju i sadašnja vrijednost ukupne naknade koju javnom partneru plaća privatni partner za projekt JPP-a u kojem je predviđeno plaćanje privatnog partnera javnom partneru.
- (12) Ako je u postupku odabira privatnog partnera za projekt JPP-a u kojem je predviđeno plaćanje naknade javnog partnera privatnom partneru sadašnja vrijednost ukupnih životnih troškova u ugovorenom razdoblju iz konačne ponude ponuđača veća od procijenjene vrijednosti ugovora, takva ponuda ne smije biti odabrana.
- (13) U određivanju potkriterija ekonomski najpovoljnije ponude, uz potkriterije iz stava (9) ovog člana, javno tijelo može koristiti i druge potkriterije, u skladu sa potrebama javnog tijela i predmetnog projekta JPP-a.
- (14) Ostali uslovi za izbor privatnog partnera, propisuju se u zavisnosti od karakteristika predmetnog projekta JPP i drugih zahtjeva javnog tijela.

Član 6.

U dosadašnjem članu 20. stav (1) riječi “i ovom Uredbom” se brišu.

Član 7.

Dosadašnji članovi 18., 19., 20., 21., 22., 23. i 24. postaju članovi 13., 14., 15., 16., 17., 18. i 19.

Član 8.

(Prelazne odredbe)

Svi postupci koji do dana stupanja na snagu ovog propisa nisu pravosnažno okončani završiti će se po odredbama ovog propisa.

Član 9.

(Stupanje na snagu)

Ova Uredba stupa na snagu narednog dana od dana objavljivanja u “Službenom glasniku Unsko-sanskog kantona”.

Broj: 03-017-4631/2022
Bihać, 02.06.2022. godine



